

**S A M Þ Y K K T****um forkaupsrétt Höfðahrepps í Austur-Húnavatnssýslu  
að fasteignum innan sveitarfélagsins.**

Samkvæmt heimild í lögum nr. 22 23. júní 1932 og 26. gr. skipulagslaga nr. 19 21. maí 1964 hefur hreppsnefnd Höfðahrepps gert eftirfarandi samþykkt:

„Samkvæmt heimild í 26. gr. skipulagslaga nr. 19 21. maí 1964 sbr. lög nr. 22/1932 samþykkir hreppsnefnd Höfðahrepps að áskilja Höfðahreppi forkaupsrétt að öllum lóðum, jörðum og fasteignum innan marka sveitarfélagsins vegna gerðar aðalskipulags og deiliskipulags einstakra hverfa.“

Samþykkt þessi öðlast þegar gildi og gildir í 5 ár frá dagsetningu hennar að telja. Birtist hún hér með til eftirbreytni öllum þeim, sem hlut eiga að máli.

*Félagsmálaráðuneytið, 28. janúar 1980.*

F. h. r.

**Hallgrímur Dalberg.**

*Hólmfríður Snæbjörnsdóttir.*

**S A M Þ Y K K T****um sorphreinsun í Hafnarhreppi.**

## 1. gr.

Hafnarhreppur sér um sorphreinsun frá öllum fasteignum á skiplögðu svæði kaupþúnsins. Fer hún fram undir yfirstjórn sveitarstjórnar og heilbrigðisnefndar kaupþúnsins.

## 2. gr.

Sérhver húseigandi (eða leigjandi) í Hafnarhreppi er skyldugur að nota þær aðferðir og tæki við sorpgeymslu og hreinsun, sem sveitarstjórn og heilbrigðisnefnd ákveður.

## 3. gr.

Húseigendur bera allan kostnað af uppsetningu og viðhaldi sorptækja.

## 4. gr.

Sorpið, sem sett er í sorpilátin, má vera allt venjulegt heimilissorp. Sorp, sem ekki má setja í sorppoka er: Mold, mól, grjót, mykja, byggingasorp og stærri trjágreinar.

## 5. gr.

Ekki má setja meira sorp í pokana en svo, að auðveldlega megi loka þeim þegar skipt er um poka. Fyllsta hreinlætis skal gætt umhverfis sorppokana.

## 6. gr.

Pakka skal inn beittum og oddhvössum hlutum t. d. glerbrotum, áður en þeir eru settir í sorppokana.

## 7. gr.

Bannað er að setja eldfima vökva t. d. oliu og bensín í sorpilát, hvort sem er laust eða í umbúðum. Á haugum skal vera aðstaða til brennslu slíkra hluta.

## 8. gr.

Sorpilát verði losuð vikulega og bundið fyrir alla poka við losun grinda. Ekki má losa sorpilát á helgidögum, né eftir kl. 23 virka daga. Aukahreinsun skal fara fram sé ástæða til og skal auglýsa sérstaklega.

## 9. gr.

Kvörtunum vegna sorphreinsunar skal koma skriflega til heilbrigðisfulltrúa.

## 10. gr.

Minnst ein sorpgrind skal fylgja hverri fjölskyldu.

## 11. gr.

Hverjum íbúðareiganda ber að sjá um, að þókar yfirfyllist ekki milli tæminga.

## 12. gr.

Sorppokar skulu afhentir á skrifstofu Hafnarhrepps, aðrar gerðir af pokum má ekki nota.

## 13. gr.

Sorppokarnir skulu vera í grindum, sem heilbrigðisnefnd og hreppsnefndin hafa samþykkt. Grindurnar skulu vera á stöðum, sem aðgengilegir eru fyrir sorphreinsunarmenn, að lóð húss þess, sem þær tilheyrar. Hafa skal greiðfæran stíg ca. 90 cm. breiðan frá grind til endamarka lóðarinnar. Sveitarstjórn er heimilt að taka sérstakt gjald, ef sorpaðstaða er mjög óaðgengileg. Húsráðendur verða að sjá um að hafa grindurnar í góðu ásítkomulagi og endurnýja þær ef þörf krefur.

## 14. gr.

Ef sorpið er svo mikið eða í þannig formi, að ekki hæfi viðurkenndum sorpilátum skal húseigandi annast sorphreinsun eða óska þess að sveitarfélagið annist hreinsanir gegn sérstöku gjaldi.

## 15. gr.

Mold, möl, grjót og svipuð efni, sem ekki má setja í sorppokana skal flutt á afmarkað svæði skv. nánari fyrirmælum sorpvarðar og sveitarstjórnar. Sama gildir um bílhæ og brotajárn.

## 16. gr.

Fyrirferðarmiklum, en brennanlegum úrgangi, svo sem umbúðum og því um líku, skulu forsvarsmenn heimila og atvinnurekstra koma á sorphreinsunarbíl, þegar hreinsun fer fram, eða í sorphaugastað, skv. nánari fyrirmælum sveitarstjórnar og starfsmanns sorpsvæðis.

## 17. gr.

Aukahreinsun skal fara fram á hverju vori, svo að húseigendur geti losnað við allt sorp, sem fellur til, við venjulega lóðahreinsun að vori. Þessi hreinsun skal sérstaklega auglýst.

## 18. gr.

Hreinsa skal oftár en vikulega frá hótélum og matsölustöðum, ef þörf krefur, en sérstakt gjald komi þá fyrir. Aukahreinsun skal vera milli jóla og nýárs. Þessi hreinsun skal sérstaklega auglýst.

## 19. gr.

Sorphreinsunarmönnum er óheimilt að hnýsast í sorppoka.

## 20. gr.

Öll sorpbrennsla er óheimil, öðrum en sorpverði.

## 21. gr.

Sorpsvæðið skal vera vandlega afgirt með læstu hliði og aðeins opið á auglýst-um tíma, öll umferð á sorpsvæðinu skal fara fram með eftirliti sorpvarða.

## 22. gr.

Kostnaður við almenna sorphreinsun og sorpeyðingu greiðist úr sveitarsjóði. Sveitarstjórn er þó heimilt að innheimta með fasteignagjöldum hvers árs, áætlað kostnaðarverð þeirra sorppoka, sem viðkomandi fasteignir eyða á árinu.

## 23. gr.

Brot gegn samþykkt þessari varðar sektum allt að kr. 100 000 nema þyngri refsing liggji við að lögum. Með brot á samþykktinni skal farið að hætti opinberra mála.

## 24. gr.

Ofangreind samþykkt hreppsnefndar Hafnarhrepps, staðfestist hér með, skv. lögum nr. 12/1969 um hollustuhætti og heilbrigðiseftirlit, til þess að öðlast gildi þegar í stað og birtist til eftirbreytni öllum þeim, sem hlut eiga að máli. Jafnframt fellur úr gildi samþykkt um sorphreinsun í Hafnarhreppi nr. 238/1973.

*Heilbrigðis- og tryggingamálaráðuneytið, 29. janúar 1980.*

**F. h. r.**

**Páll Sigurðsson.**

*Ingimar Sigurðsson.*